

**Anwar kritik ahli Pakatan dalam merebut kerusi calon  
Malaysian Insider  
9 Mac, 2013  
Oleh Opalyn Mok**

GEORGE TOWN, 9 Mac — Datuk Seri Anwar Ibrahim memberi amaran keras kepada ahli Pakatan Rakyat (PR) yang merebut kerusi dan mengeluarkan "amaran" kepada mereka jika tuntutan rakyat tidak ditunaikan.

"Ini adalah pemikiran sempit dan tidak melihat kepada gambaran yang luas," kata ketua pembangkang tersebut

Beliau berkata akar umbi mungkin mahu untuk kerusi, atau mungkin menuntut untuk kerusi, tetapi adalah salah untuk mengugut untuk mendapatkan kerusi.

"Jangan korbankan prinsip PR hanya kerana mahu merebut kerusi di satu atau dua kawasan," kata ketua umum PKR itu lagi.

Beliau berkata bantahan sering terdapat di akar umbi manakala pihak pimpinan PKR, DAP dan PAS tidak mempunyai masalah antara satu sama lain.

Anwar berkata hubungannya dengan PAS adalah seperti rakan karib yang mahu memperkukuhkan Islam dalam negara ini.

"DAP juga, Lim Kit Siang dan Lim Guan Eng adalah seperti keluarga saya," katanya lagi.

Bekas timbalan perdana menteri itu berkata PR tidak sempurna dan ada kelemahan.

"Kita hanya boleh memohon kepada Tuhan untuk kita menjadi lebih baik," katanya lagi.

Konvensyen negeri PR menyaksikan 200 delegasi dari PKR, PAS dan DAP hadir dalam acara separuh hari itu.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/anwar-kritik-ahli-pakatan-dalam-merebut-kerusi-calon/>